

ditta galla. El qual sopracomito prefato Pasqualigo, per il trazer de ditti pali di legno, bastonò alcuni galioti, et cussì la galla Pasqualigo sorse senza tochar li turchi. Et dappoi venne la galla Michiela, et investì nel mezo de ditta galla turchesca et saltò ne la coperta, et messe la coperta a sacho, et amazò alcuni turchi, et prese ditta galla, et la remurchiorno a la Suda al porto de la Bicorna, ove arivemo de notte quasi ne l'alba, et trovorno la galla Contarina che era venuta de li. La matina veramente se levorno, et andorno a la Bicorna; et avanti arivasseno a la Bicorna, scoperseno sette legni da remo che credeno fusseno galie capitano Rays All, per quanto lui ha inteso; et vedutto ditte galie a la Bicorna, ancora che ditte galie li venisseno driedo, gionti a la Bicorna, voltorno la prova contra le prefate galie et se poseno in arme havendo con loro la galla sopraditta presa; et arossimate le galie turchesche a le nostre, butorno il copano in aqua, et il mandò a la volta del magnifico Capitano de le bastarde. Et quando il copano fu a meza via, el magnifico Capitano tirò una artellaria, ma non sa se fosse con la balota; *et immediate* el copano tornò adriedo, et in questo mezo le galie turchesche si acostò a la nostra; le qual accostate, el magnifico Capitano si levò con la galla Pixana et Contarina, et tolse la volta de mar. Levate ditte galie, le turchesche tiravano molte artellarie, et poi che li hebbero seguiti per uno pezo tanto che le perse, si voltorno, et veneno a la volta de la galla Michiela et Pasqualiga che erano serate, et non potevano fuzer. Il che vedendo ditte due galie, le persone se butorno a l'acqua et le abandonorno: et ditto comito credeva che siano stà amazzati da 25 homeni che non poteno fuzer. Li Sopracomiti veramente scapolati andorno a la Cania. Referisse *etiam* ditto comito, che a Suda furno avixati de le galie prese che driedo la punta de la Bicorna erano le prefate galie turchesche. *Item*, le due galie prefate bastarde sono stà menate via dalle sopraditte galie turchesche.

475*

476 *Copia di una lettera scritta*

Magnifico fiol honorandissimo.

In questa hora è zonto uno balestrier del magnifico Capitano di le bastarde, qual partite da la Cania adì 3 del presente *cum* homo del magnifico ambassator Minio, et *etiam* lettere del ditto magnifico Capitano, qual a boca me ha refferito esser stà preso doe nostre galie bastarde in porto della

Suda, *videlicet* el galie de sier Sebastian Pasqualigo, et sier Stefano Michiel. Et el caso, per quello ho podesto trazer dal dittò balestrier, è stato in questo modo: Par che esso magnifico Capitano de le bastarde si atrovasse *cum* 4 galie bastarde et una sotil, *videlicet* la galla Contarina che ha conducto lo ambassador Minio, in porto de la Suda. Et stando cossì, discoperse una galla turchesca che vegniva remizando verso el porto de la Suda, et visto questo per li nostri, fo amatado al patron de la galla qual vene a trovar el magnifico Capitano, excusandose che lui non era corsaro ma che per Curtogoli era stà preso una nostra nave Grimana sopra Cao Malio: qual Curtogoli ha galie 4, et fuste 3; ma che loro sono galie 8 armade per il Signor, et sono stà a butar la madre di esso Signor turcho in Alexandria, perchè la va alla perdonna a la Mecha. In questo stando, le galie apresso essa galla, come la galla Michiela, sopracomito sier Stefano, et senza dir altro, saltò su dita galla et comenzò a menar le man, amazar et taiar a pezi ditti turchi, talmente che ne fono morti assai, et 25 ianizari *cum* altri se meseno sotto coverta et si feno forti. Fono gran parole tra ditti Sopracomiti et esso magnifico Capitano, donde el magnifico Capitano voleva andar a la Cania; li altri Sopracomiti dicevano saria meglio star li in ditto porto de la Suda; et cossì stetero quella sera. La matina scoperseno ditte galie, zoè numero 7; se messeno tutte a l'ordennanza non per voler offender, ma star a veder quello fazevano dicte galie, qual tegniva la volta della terra. Li nostri li trasse una artellaria, et fece segno con una bandiera de parlamento; et cossì per ditte galie turchesche fu butà il copano in aqua, et venivano per parlar. Ma la galla Michiela che era in arme, comenzò a bravar cón le arme mostrando le spade nude. Vedendo questo, la barca de ditti turchi tornò indrieto, et disse a le galie questo che haveano visto. Le galie tutte insieme tolse la volta verso terra, et venne per investir le nostre galie, qual nostre galie tolse la volta del mar per non star sorte li. Et le galie turchesche comenzono a tirar l'artellarie verso le doe galie zoè Pasqualiga et Michiela, quale erano apresso terra, et le zurme se butorno a l'acqua et abandonorno le galie. Et dice che tra morti et anegati sono stà 150; li altri sono scampati su l'isola et sono salvi, et tra li altri li Sopracomiti. Et cossì è passato el caso. Dice che hanno menato via le do galie; et quella che nostri havea presa, l'hanno sfondata in porto de la Suda.

476*